

[www.BibleForChildren.org](http://www.BibleForChildren.org)

# Matyu 8



Dughiar pumuning givazima, gumazir mam Kanan  
nguibamin ikia amizimin ikiasa, ezi amuimin ikiamin  
isam oto. Kanan nguibam a Galilin Distrighin aven iti.




Dughiar kam Iesusin amebam uaghan iti. Ezi me uaghan Iesus uan suren gumaziba ko men diazima me uaghan amuimin ikiamin isar kamin ghuegha iti.




Ezi wainin dipam givazima, Iesusin amebam kamaghin a migei, “Me ua wainin dipaba puvati.” Ezi an amebam ingangarir gumazibav gei, “A bizitam damusi ia mikimti, ia a damu.”



Ezi Iesus kamaghin ingangarir gumazibav  
gei, "Ia miner kabar dipaba tuigh." Ezi me  
da tuizima da bar izevegha akabagh imara.



Ezi a kamaghin me migei, “Ia datirighin miner dozitam inigh dipatam tuighiva a inigh gumazir isamin faragha zuim bagh mangi.” Ezi ingangarir gumaziba maba inigha zui.



Ezi dipar kam wainin dipamin otogha gifa, ezi gumazir isamin faragha zuim anepava a barasi, egha a fozir puvati, me managh wainin dipar kam ini. Ezi ingangarir gumazir dipam tuiziba, merara fo.



Kamaghin amizi, isamin faragha zuir gumazim a gumazir amuimin ikiasava amim, an diagha, kamaghin a migei, "Gumazamiziba bar

wainin dipar aghuim faragha me ganidi. Ezi gumazamiziba wainin avirim amegha givazima, me gin wainin dipar mong afangizim anidi.

Ezi no, ni wainin dipar aghuimin anogoregga, egha datirighira ni a inigha izi!"



Kar mirakelin arazir Iesus faragham amizim. A Galilin  
Distrighin aven itir nguibam Kanan,  
mirakelin arazir kam gami.  
Ezi mirakelin kamın, Iesus  
bar uan gavgavir ekiam  
aka.





Ezi an suren gumaziba an  
ganigha egha nighnizir  
gavgavim an iti.



Ezi İesus ghua Pitan dipenimin aven  
ghua garima, Pitan asamimin  
mikarzim an feima, an aria dakozim  
girighav iti.



Ezi Iesus an dafarimîn suirazîma, an  
arîmariam maghîram anetaghizîma,  
a dikavigha Iesus bagha isai.



Guaratizir kamra, aminim pirizima me gumamazir  
arimariar kuraba koma gumamazir avirir duar kuraba  
apazaziba bar me  
inigha Iesus bagha izi.  
Nguibar kamın itir  
gumamaziba bar  
izava dipenir kamın  
tiar akamın uari  
akufa.



Ezi Iesus arimariar guar aviriba itir gumazamizir aviriba men arimariabagh amizi, me ghuamaghe. A duar kurar aviriba saram otoghezima da gumazamiziba ategha azenan ize. Duar kuraba a gifo, a Godin Otarim. Ezi kamaghin a ghaze, ia kamaghin mikiman marki suam, Ki Godin Otarim. Egha a men anogoroke.



Ezi gavgavim  
Iesus ategha  
azenan ghua  
gumazamizibagh  
amima me  
ghuamazi,  
kamaghin amizi,  
me bar moghira  
Iesusin  
mīkarzimīn  
suighasa.



An akam akurima, gumazir maba soroghafariba  
amirazir gumazir mam inigha a bagha izi. Gumazir  
pumuning ko pumuning akuriamin a gisaghpugha izi.



Me iza garima dipenimin tiar  
akam bar izifa, kamaghin  
amizi, me Iesus bagh  
mangan ibura.




Egha me gumazir kam inigha dipenir  
siriamin ghuavanabogha dipenir  
siriamin torim gamigha  
beniba akuriam dafegha  
anemadazima a Iesus  
bagha ghuaghiri.




Ezi Iesus gumazir kabar ni ghnizir gavgavimn ganigha kamaghin soroghafariba amirazir gumazim migei, “Nan borim, ki nin arazir kuraba gin amada.” “Ki ni migei, ni dikavigh uan akuriam inigh dipenimn mangi.”



Ezi lesus botin anabozi, an suren gumaziba an gin zui.  
Me ghua ongarimin torimin aminir  
bar ekiam dikava ongarim  
gamima, a dipira kurim  
avasava ami. Ezi lesus  
akuavira iti.



Ezi a kamaghin me migei, “lan nighnizir gavgavim bar sufi. Ia tizim bagha atiati?” Egha a dikavigha aminim ko ongarim migirigiar gavgavim aning ganingizi, aminim givazi, dipam uam amiraghiri. Ezi an suren gumaziba nighnizir aviribagh amua ghaze, “Kar gumazir manmaghin amizim? A migeima, aminim ko dipavsizim an akam barasi!”



God Otarir  
bar vamira iti. Egha  
God nguazimin itir gumazamiziba,  
bar me gifonge. A kamaghsua,  
gumazamiziba bar nighnizir gavgavim  
an Otarimin ikiva ovengan kogh,  
zurara itir ikirimirir aghuarim iniam.  
Bizir kam bagha an Otarir bar  
vamiran kam me  
ganingi.



Rom 3:23 Gumamaziba bar moghira arazir kuram gamigha, Godin angazangarimin saghon ikia an aven mangan ibura.

Rom 6:23 Guizbangira, arazir kuram ivezim isa uan ingangarir gumamazibagh aningi. Ivezir kam an ovevemra. Ezi God bizir aghuarir pura e ganingizimra kara, zurara itir ikirimirir aghuarim. Ikrimirir kam, e uan Ekiam Kraiss Iesus ko poroghava a isi.

Hibru 9:27 Gumaziba bar dughiar vamiran ovegh egh gin Godin kotiamin otivam.

Efesus 2:8,9 Ia nighnizir gavgavim Godin itima, a uan apangkuvimin tuavimra ian akurvasi. Kar ia uari amizir puvatizir bizim. Puvati.



God pura ia ganingi. Kar ian ingarimin ivezim puvati.  
Kamaghin bizir kam bagh gumazitam uabi uan  
ziam fan marki.

Rom 10:9,10 Ni uan akamin kamaghin mikim suam, “Iesus  
a nan Ekiam,” egh uan navir averiamin aven nighnizir  
gavgavim iki, kamaghin fogh, God Iesus gamizi a mozimin  
ua dikafi, eghti God nin akurvaghti, ni ikivira ikiam. E fo, ni  
navir averiamin nighnizir gavgavim Iesusin ikiti, God suam,  
ni nan damazimin dera. Egh uaghan ni uan akatorimin  
suam, “Iesus nan Ekiam,” eghti God nin akuraghti,  
ni ikivira ikiam.

Jon 3:16,17 “God Otarir bar vamira iti. Egha God nguazimin  
itir gumazamiziba, bar me gifonge. A kamaghsua,  
gumazamiziba bar nighnizir gavgavim an Otarimin ikiva  
ovengan kogh, zurara itir ikirimirir aghuarim iniam. Bizir  
kam bagha an Otarir bar vamiran kam me ganingi.”



“God uan Otarim nguazimin gumazamizibar jasin min me tuisighasa anemadazir puvati. A men akurvaghasa anemada.”

1 Jon 5:11-13 God ikrimirir aghuir zurara itim e ganingizi, e fo, migirigiar kam, a guizin migirigiam. Godin Otarimin poroghav itir tuavimin, e ikrimirir aghuir kam iti. Gumazamizir Godin Otarimin poroghav itiba, me ikrimirir aghuir zurara itim isi. Gumazamizir Godin Otarimin poroghav itir puvatiziba, me ikrimirir aghuir zurara itim isir puvati. Ia nighnizir gavgavim Godin Otarimin ziamin itiba, ia ikrimirir aghuir zurara itim iniasa, ki fuegha, kamaghin ki bizir kaba ia bagha da osiri.



Matyu 8-9; Mak 1-2, 4; Luk 4, 8; Jon 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Aruamu Bible (msy) © 2020 Pioneer Bible Translators This  
work is licensed under the Creative Commons Attribution  
Share-alike 4.0 license.

<https://www.bible.com/en-GB/bible/3007/MAT.1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

